

MANUAL

Ateliers

1. onn da studi

Student/studenta	Lieu da praticum, scola/scolina
Persuna d'instrucziun da la pratica atelier	Classa(s)
Mentura atelier/mentur atelier	Temp da praticum
Partenaria/partenari da praticum	

Unterrichten als Kunst

Unterrichten als Kunst
in den Vordergrund zu treten:
erzählend, darstellend, gestaltend
der Sache ihre Bedeutung geben.
Präsent und glaubwürdig vertreten,
was mir wichtig ist.

Unterrichten als Kunst
in den Hintergrund zu treten:
betrachtend, begleitend, ermunternd
dem Menschen seine Bedeutung geben.
Sorgfältig und zurückhaltend verstehen,
was er erkannt hat.

Unterrichten als Kunst
in den Kreis zu treten:
teilnehmend, aufnehmend, mitteilend
der Klasse ihre Bedeutung geben.
Befreidend und schützend miterleben,
was uns geschieht.

Unterrichten als Kunst
aus dem Kreis herauszutreten:
bestimmend, fordernd, kontrollierend
der Aufgabe ihre Bedeutung geben.
Verbindlich und zuversichtlich verlangen,
was geleistet werden muss.

Unterrichten als Kunst
ein Gleichgewicht zu finden:
absichtsvoll, vorausahnend, abwägend
Zielen ihre Bedeutung geben.
Sorgfältig und offen lassend planen,
was inszeniert werden soll.

Peter Wanzenried¹

¹ Wanzenried, P. (2004). *Unterrichten als Kunst. Bausteine zu einer ästhetisch-konstruktivistischen Didaktik*. Turitg: Chasa editura Pestalozzianum. Manual Ateliers

Cuntegn

Introducziun	1
Standards da furmaziun.....	1
Curta descripzion ateliers.....	1
Persunas involvidas e responsablidad.....	1
Premissas per studentas e students	1
Cumpetencias	2
Accents individuals da lavur	2
Tge e quant instrueschan las studentas/ils students?.....	3
Incumbencias da las persunas involvidas.....	3
Valitaziun e cumprova da prestaziun	3
Finanzas	3
Assicuranza	3
Incumbencias da las studentas/dals students	4
Incumbencias da la persuna d'instrucziun da la practica	5
Incumbencias da la mentura atelier/dal mentur atelier	7
Instrument da valitaziun ateliers	9
Valitaziun tras la persuna d'instrucziun da la practica (e valitaziun persunala studentas/students).....	9
Instrument da valitaziun ateliers	11
Valitaziun tras la mentura atelier/il mentur atelier	11

Introduziun

En la concepziun da la partizun furmaziun da la pratica professiunala da la Scola auta da pedagogia dal Grischun (SAPGR) vegnan l'orientaziun als standards e l'individualisaziun colliadas uschè bain sco pussaivel: Las finamiras dals praticums sa refereschan d'ina vart als nov standards che furman il rom d'orientaziun da la scolazion a la SAPGR cun dar avant pro praticum accents generals. Da l'autra vart èsi dentant era impurtant ch'ina studenta u in student determineschia tenor nivel d'emprender individual e necessitat da svilup individual agens accents e lavuri vi da quels sistematicamain. Il manual duai mussar co che questas finamiras duain vegnir realisadas en ils ateliers, co ch'ils ateliers èn organisads e tge incumbensas che tutgan a las persunas involvidas.

Standards da furmaziun

Per ils ateliers furman ils standards ch'èn stampads grass ils accents generals:

- Standard 1: Savida dal rom ed abilitads dal rom
- Standard 2: **Process d'emprender e process da svilup**
- Standard 3: **Lavurar cun eterogenitad**
- Standard 4: **Communicaziun, sa preschentiar e collavuraziun**
- Standard 5: Manar ina classa
- Standard 6: **Planisaziun, realisaziun ed evaluaziun da l'instrucziun**
- Standard 7: Diagnosa, promozion, cussegliaziun, valitaziun
- Standard 8: Scola e societad
- Standard 9: **Abilitad individuala da supportar squitsch, svilup professiunal, svilup da l'instrucziun e da la scola**

Curta descripcziun ateliers

En la lingua tudestga signifitga atelier in local da lavour dad in'artista u dad in artist nua ch'i vegn creà, furmà, experimentà, sviluppà, construì e.u.v. Questa descripcziun ha fitg il caracter da l'emprim praticum entaifer la scolazion da las studentas/dals students a la SAPGR, nua ch'i va per far emprims pass en il svilup dal know-how professiunal, per la furmaziun dal maletg da sasezza/sazez sco persuna d'instrucziun, per emprims sbozs d'instrucziun ed in experimentar e s'experimentar.

Ils ateliers furman per las studentas/ils students l'emprima scuntrada cun la pratica da scola en la nova rolla sco persuna d'instrucziun e servan uschia da s'orientar en il champ professiunal. Durant dudesch dis d'atelier, che han lieu durant l'entir emprim semester mintgamai ina giada l'emna, s'occupan las studentas/ils students cun l'atgna biografia d'emprender, cun lur biografia da scolina resp. da scola, cun lur rolla nova, cun las pretensiuns dal mastregn e cun l'atgna motivaziun – ensemes cun emprimas observaziuns, activitads ed experientschas che las studentas/ils students fan en gruppas pitschnas en lur „classa d'atelier”.

Il connex cun la teoria e la pratica è marcanta en ils ateliers cunquai che docentas/docents da la SAPGR che han la funcziun da las menturas atelier resp. dals menturs atelier lavuran stretgamaen ensemes cun las persunas d'instrucziun da la pratica, saja quai cun accumpagnar las studentas/ils students durant lur praticums al

lieu da praticum, saja quai cun realisar communablamain mezs dis a la SAPGR.

Ils ateliers han lieu per las studentas/ils students tudestg(a)s, rumantsch(a)s e talian(a)s tenor pussaivladad en scolinas e scolas primaras en il territori da lur emprima lingua.

Persunas involvidas e responsablidad

La responsablidad per ils ateliers è tar la partizun furmaziun da la pratica professiunala (FPP) e tar las docentas/ils docents che han la funcziun sco menturas atelier/menturs atelier. Questas persunas lavuran stretgamaen ensemes cun las persunas d'instrucziun da la pratica cun las qualas els accumpognan las studentas/ils students ch'èn vegnids partids tier ad els. Ina persuna d'instrucziun da la pratica ha ina ulteriura incumbensa d'instrucziun e sa participescha a parts da l'atelier che han lieu a la SAPGR. Tut tenor si-tuaziun dat ella era vinavant ulteriuras infurmaziuns a tschellas persunas d'instrucziun da la pratica da la gruppa d'emprender e suprenda uschia tschertas incumbensas organisatoricas. Docentas/docents da la didactica dal rom prendan punctualmain invista en la lavour da las studentas/dals students en ils ateliers.

Premissas per studentas e students

Las premissas per studentas/students en ils ateliers èn differentas. Ina part da las studentas/dals students han fatg pliras experientschas che sa resultan or dad in mas-

tregn emprendì, or da la laver cun uffants en il temp liber, or d'in praticum ch'è vegnì absolvì avant cumerzar il studi a la SAPGR e.u.v.

- En ils **moduls da las scienzas d'educaziun** elavuran las studentas/ils students durant l'emprim semester da scolazion a moda parallela ed en colliaziun cun ils ateliers emprimas en conuschienschas davart percepir ed observar ed els vegnan conscient da la diversitat en ina grupper d'uffants. Era s'occupan els cun ulteriuras premissas per l'instrucziun sco er cun premissas per realisar situaziuns da gieu e d'emprender.
- Suenter l'emprim semester da scolazion cumenzan las studentas/ils students ad elavurar en ils **moduls didactics e dal fatg** savida da basa da las differentas didacticas dal rom e dals champs che sa già vegnir integrada en ils ateliers.

Cumpetenças

Sin basa dals standards che valan sco accents per ils ateliers èn vegnididas formuladas differentas cumpetenças. La finamira dals ateliers è che tuttas studentas/tuts students san sviluppar las suandantas cumpetenças uschè bain sco pussaivel:

Las studentas/ils students

- èn conscient(a)s da lur atgna biografia d'emprender, da lur biografia da scolina e da scola e san metter questa en connex cun la realitat vivida en las classas dals ateliers
- san observar en il nov champ professiunal differentas situaziuns a moda conscienta e precisa
- san percepir la varietad da las abilitads individualas e dals basegns dals uffants
- san prender si contact cun ils uffants
- san sa preschentar en ina grupper d'uffants resp. classa da scola a moda segira e san agir en situaziuns da communicaziun dal mintgadi
- san planisar e manar tras emprimas sequenzas da gieu e d'instrucziun adattadas a la situaziun
- san scriver lur planisaziun a moda chapibla
- san reflectar a moda critica e cun sustegniment l'agen comportament e l'atgna instrucziun e san nizzegiar experientschas fatgas
- san valitar lur savida professiunala, san definir, perseguir e documentar proxims pass da svilup pussaivels
- èn conscient(a)s da las pretensiuns da la profesion sco persuna d'instrucziun da la scolina resp. da la scola primara e san reflectar l'atgna

motivaziun e la qualificaziun per la professiun sco er reflectar la nova rolla

- sa mussan en la collauraziun cun autres personas engaschad(a)s, capablas/-els d'acceptar critica e fidat(a)s

Accents individuals da laver

Il svilup da las cumpetenças en ils ateliers na vegn betg mo determinà tras ils accents e las cumpetenças ch'en dadas avant. En il senn d'ina individualisaziun che promova l'emprender ston las studentas/ils students era avair la pussaivladad - tut tenor las resursas individualas ed il basegn da sa sviluppar individual - da definir e perseguir ulteriurs accents da laver. Ils accents da laver vegnan definids entaifer la discussiun ed en cunvegna cun la persuna d'instrucziun da la pratica e las menturas atelier/ils menturs atelier.

Cun agid dal **carnet d'elements** e cun in'egliada sin ils standards duain cumpetenças concretas e cumpetenças ch'ins sa observar vegnir elegidas, questas vegnan exercitadas en ils ateliers a moda conscienta e sche pussaivel vegnan ellas repetidas per cuntanscher in progress necessari. Per quest motiv dattan las studentas/ils students tar mintga laver en l'atelier a la persuna d'instrucziun da la pratica sco er a las collegas ed als collegas cleris incumbensas d'observaziun e survegna uschia cuninuadain feedbacks ed infurmaziuns davart ina cumpetenza e tge che sto anc vegnir emprendì.

Las studentas/ils students documenteschan en il **portfolio** lur stentas ed activitads correspondentes cun reflectar en furma da rapports d'emprender davart l'agen agir e davart las atgnas experientschas, cun notar experientschas, cun render conscient e vesaiwel ils svilups e cun planisar proxims pass d'emprender. Il portfolio ed il **pass da cumpetenças** ch'è integrads mussan uschia il svilup da las cumpetenças professiunal dad ina studenta/d'in student e ses accents da svilup persunals e relevantes.

Il portfolio ed il pass da cumpetenças èn ina basa impurtaña per discurs tranter studentas/students e lur personas d'accumpagnament sco er per ulteriuras occurrentas nua ch'i vegn planisà ed evaluà il process d'emprender individual en ils praticums.

Tge e quant instrueschan las studentas/ils students?

Al cumenzament dals ateliers stgaffeschan las studentas/ils students cun prender si contact cun ils uffants e cun observaziuns sistematicas las premissas per la planisaziun e la realisaziun dad atgnas sequenzas da gieu e d'instrucziun.

Durant emprimas lavurs en las classas d'atelier realisescan las studentas/ils students sequenzas curtas cun ils uffants, p. ex.: introducir in gieu, stgaffir ina purschida da gieu resp. d'emprender, raquintar in'istorgia e.u.v.

A la fin dals ateliers mainan las studentas/ils students per ils solit en dus u sulettas/sulets la promozion ludica en scolina resp. singulas lecziuns en la scola primara.

Incumbensas da las personas involvidas

Sin las proximas paginas dal manual èn nudadas las incumbensas da las personas involvidas en ils ateliers. Questas glistas da controlla valan sco agid per las studentas/ils students, per personas d'instrucziun da la pratica e per menturas atelier/menturs atelier per infurmarr tuttas e tuts sur da l'incumbensa da las/dals autras/auters acturas/acturs e da simplifitgar la collavuraziun. Il spazi data/remartgas serva per notizias individuelas.

Valitaziun e cumprova da prestaziun

Las personas d'instrucziun da la pratica observan durant ils ateliers il process d'emprender da las studentas/dals students e las/als dattan adina pusè feedbacks che s'orienteschon a la promozion. A la fin dals ateliers fan las personas d'instrucziun da la pratica ina valitaziun en scrit (senza nota), che cumpiglia era recumandaziuns per il process d'emprender futur.

Las menturas atelier ed ils menturs atelier dattan a las studentas/als students a chaschun da la visita al lieu da praticum feedbacks concrets davart cumpetenzas e prestaziuns ch'en vegnidas observadas sco er suenter ils ateliers davart la lavur cun il portfolio.

Las studentas/ils students fan en vista dal discurs da finiziun cun la persona d'instrucziun da la pratica ina valitaziun persunala.

La cumprova da prestaziun per ils ateliers è ademplida sche

- ils ateliers vegnan visitads cumplainamain (detagls vegnan reglads en las directivas da la partizun furmaziun da la pratica professionala),
- l'elavuraziun dal process d'emprender personal en il portfolio e la preschentaziun da parts elegidias en il portfolio èn vegnidas valitadas cun suffizient da la mentura atelier/dal mentur atelier,

- i ha gì lieu in discurs final tranter la studenta/il student e la persona d'instrucziun da la pratica sin basa d'ina valitaziun en scrit (valitaziun estra tras la persona d'instrucziun da la pratica e valitaziun persunala tras la studenta/il student).

La decisiun schebain la cumprova da prestaziun è cuntanschida vegn fatga da la mentura atelier/dal mentur atelier en cunvegna cun la persona d'instrucziun da la pratica che ha accumpagnà la studenta/il student.

Cun cuntanscher la cumprova da prestaziun survegn la studenta/il student 4 puncts da credit.

Finanzas

Expensas en connex cun il viadi al lieu da praticum van a quint da las studentas/dals students. La SAPGR surprenda nagins custs per material d'instrucziun (copias, material da zambregiar e.a.v.). Quels vegnan per regla supprendi da l'instituziun al lieu da praticum. I vala las directivas da la partizun furmaziun da la pratica professiunala.

Las personas d'instrucziun da la pratica vegnan pajadas per lur lavur tenor las directivas.

Assicuranza

Durant il praticum n'en las studentas/ils students betg segirad(a)s sur la SAPGR. L' assicuranza d'accident e l'assicuranza da responsabladad è chaussa da las studentas/dals students.

Incumbensas da las studentas/dals students

Lavur al lieu da praticum

Las studentas/ils students

- s'orienteschon a maun dal manual davart ils cuntegns e las pretensiuns dals ateliers
- sa preschentan durant l'emprima visita al lieu da praticum a la persuna d'instrucziun da la pratica e prendan sche pussaivel si contact cun la direcziun da la scola
- prendan si contact cun ils uffants da la classa d'atelier a moda diversa ed als scuntan cun avertadad e respect
- exerciteschan durant las visitas da scola e l'instrucziun en ils ateliers l'observar (sistematic)
- s'organisescan en las gruppas pitschnas e coopereschan cun ils auters a moda colleghiala (tuttas/tuts surprendan tuttina blera responsabladad per las incumbensas e lavurs che sa dattan)
- preschentan a la persuna d'instrucziun da la pratica avant l'instrucziun tenor incumbensa e cunvegnas la planisaziun en scrit
- mainan tras sequenzas d'instrucziun tenor las incumbensas surve-gnidias
- dattan durant l'instrucziun a las ulteriuras persunas preschentas incumbensas d'observaziun concretas e sa refereschan als accents (carnet d'elements)
- observan ina l'autra/in l'auter durant l'instrucziun e mettan a diposiziun questas observaziuns per la discussiun
- exerciteschan durant las discussiuns dad infurmarr davart observaziuns e feedbacks sco er da reflectar l'instrucziun
- concedan a la persuna d'instrucziun da la pratica in'invista en il portfolio resp. en singuls rapports d'emprender ed uschia er en l'elavuraziun d'experiencias personales
- mussan ultra da las emprovas d'instrucziun interess per il menaschi da scola e per las pretensiuns multifaras dal champ professiunal

data / remartgas

<input type="checkbox"/>	

Lavur a la SAPGR

Las studentas/ils students

- cumbineschan acziun, teoria e reflexiun e collian experiencias prakticas e teoria a moda diversa
- s'occupan cun agens maletgs, atgnas ideas, regurdanzas e visiuns en connex cun la scolina e la scola
- preparan cun premura las sequenzas d'instrucziun che vegnan manadas tras en las classas d'atelier
- dattan a las menturas atelier/menturas atelier in'invista en las lavurs da planisaziun e las lavurs d'evaluaziun
- s'orientoschan als documents (manual, lavur cun il portfolio, carnet d'elements) per savair lavurar cun il portfolio a moda autonoma
- defineschan en connex cun las competenzas ch'en relevantas per la professiun accents e pass da svilup e d'emprender, han finamiras personales
- s'occupan regularmain cun il nivel ed il svilup da las atgnas competenzas profesionales e documenteschan quai
- fan patratgs davart la midada da rolla, l'atgna motivaziun per la professiun e la qualificaziun per la professiun

<input type="checkbox"/>	

Finiziu dals ateliers

Las studentas/ils students

- emplainan ora a la fin dals ateliers la valitaziun personala sco basa per il discurs da valitaziun cun la persuna d'instrucziun da la pratica
- fixeschan cun la persuna d'instrucziun da la pratica in termin per il discurs final e prendan part a quest discurs
- mettan la valitaziun personala e la valitaziun estra en il portfolio e dattan ina copia a la mentura atelier/al mentur atelier
-

<input type="checkbox"/>	

Incumbensas da la persuna d'instrucziun da la pratica

Lavur al lieu da praticum

Las persunas d'instrucziun da la pratica

- s'orienteschan a maun dal manual davart ils cuntegns e las pretensiuns dals ateliers
- dattan a las studentas/als students durant l'emprima visita en la classa invista en l'instrucziun ed il menaschi da scolina resp. scola ed organiseschan sche pussaivel in contact da las studentas/dals students cun la direcziun da scola
- possibiliteschan a las studentas/als students da prender si contact cun ils uffants a moda diversa e d'als observar en differentas situaziuns
- discussiuneschan cun la grappa da students accumpagnada mintgamai oravant la proxima activitat e dattan las infurmaziuns necessarias a las studentas/als students
- prendan encunter avant in'activitat da las studentas/dals students ils documents da planisaziun en scrit en la furma fixada e dattan feedbacks
- dattan a las studentas/als students spazi per experimentar e realisar emprimas sequenzas d'instrucziun
- prendan encunter da las studentas/dals students per mintga activitat las incumbensas d'observaziun (sa referind als accents en il carnet d'elements) ed observan las studentas/ils students durant l'instrucziun
- dattan a las studentas/als students durant il discurs da reflexiun la pussaivladad da discussiun darvat atgnas observaziuns, interpretaziuns e conclusiuns
- dattan en connex cun l'accent observà e cun ulteriuras observaziuns in feedback, numnan il reussì e proxims pass d'emprender pussaivels
- guardan il portfolio resp. singuls rapports d'emprender e mussan uschia interess per il svilup da cumpetenzas sistematic da las studentas/dals students e lur elavuraziun da las experientschas fatgas
- animeschan las studentas/ils students da s'occupar cun l'atgna biografia d'emprender e da confruntar las atgnas ideas da scolina e scola cun la realitat vivida
- animeschan las studentas/ils students da s'occupar cun la midada da rolla, cun las pretensiuns da la professiun, cun l'atgna motivaziun e la qualificaziun per la professiun

data / remartgas

<input type="checkbox"/>	

Collavuraziun mentura atelier/mentur atelier

Las persunas d'instrucziun da la pratica

- lavuran stretgamain ensemble cun la mentura atelier/il mentur atelier (docenta/docent da la SAPGR)
- prendan part a sesidas preparatoricas e sesidas d'elavuraziun
- realiseschan a chaschun da la visita d'instrucziun da la mentura atelier/dal mentur atelier communablamain il discurs d'evaluaziun
- dattan a la mentura atelier/al mentur atelier in'invista en lur observaziuns e valitaziuns areguard comportament da lavur, abilitad da cooperar e qualificaziun per la professiun d'ina studenta/d'in student

<input type="checkbox"/>	

La persuna d'instrucziun da la pratica cun in'incumbensa d'instrucziun extendida

- prepara ensemble cun la mentura atelier/il mentur atelier ils suentermezdis che han lieu a la SAPGR e maina tras queste en team-teaching
- ha la funcziun da liom tranter pratica e teoria, mussa a las studentas/als students champs d'applicaziun concrets da la teoria en il champ professiunal
- sustegna las studentas/ils students tar la reflexiun e la planisaziun da l'instrucziun
- dat infurmaziuns ad autres persunas d'instrucziun da la pratica da la grappa d'emprender e las cuseggia en dumondas da l'organisaziun e la realisaziun dals ateliers

<input type="checkbox"/>	

Finiziun dals ateliers

Las persunas d'instrucziun da la pratica

- prendan a la fin dals ateliers part a las preschentaziuns dals portfolios da las studentas/dals students a la SAPGR
- fixeschan cun singulas studentas/singuls students in termin per il discurs final resp. discurs da valitaziun
- empleneschan l'Instrument da valitaziun ateliers sco basa per il discurs final cun las studentas/ils students
- mainan tras il discurs final cun las studentas/ils students e dattan giu in exemplar da la valitaziun en scrit
- dattan vinavant la valitaziun en scrit da la studenta accumpagnada/dal student accumpagnà a la partizun furmaziun da la pratica professiunala
- cusseglian la mentura atelier/il mentur atelier, sche necessari, tar la decisiun, schebain la cumprova da prestaziun da la studenta/dal student saja cuntanschida

<input type="checkbox"/>	

Incumbensas da la mentura atelier/dal mentur atelier Collavurazion cun las studentas/ils students

La mentura/il mentur atelier

- accompagna la gruppera d'emprender da las studentas/dals students tras ils ateliers
 - è persuna da contact tar dumondas u problems da las studentas/dals students
 - realisescha durant plirs mezs dis l'instrucziun a la SAPGR (per part ensemes cun la persuna d'instrucziun da la pratica)
 - guarda che las studentas/ils students hajan tut las infurmaziuns relevantas (organsaziun, incumbensas e.u.v.)
 - guarda per ina relaziun ed ina collavuraziun fritgaivla dals traies elements acziun, reflexiun e teoria
 - animeschha las studentas/ils students da s'occupar cun l'atgna biografia d'emprender e da confruntar atgnas ideas da scolina e scola cun la realitat vivida
 - animeschha las studentas/ils students da s'occupar cun la midada da rolla, cun las pretensiuns da la professiun e cun l'atgna qualificaziun da la professiun
 - maina las studentas/ils students tar la planisaziun da lur instrucziun e las/als sustegna en quest process
 - visita mintga gruppera da students almain ina giada durant l'instrucziun ed observescha tenor las incumbensas d'observaziun dadas da las studentas/dals students
 - fa part a la fin da l'instrucziun observada al discurs da valitaziun, metta a disposiziun a las studentas/als students las observaziuns e dat feedbacks davart il reussi e proxims pass d'emprender pussaivels
 - introducescha las studentas/ils students a moda conscienciusa en la lavour cun il carnet d'elements e cun il portfolio e las/als sustegna da manar il portfolio pli e pli a moda autonoma
 - mussa a las studentas/als students da sviluppar a moda conscientia e sistematica las competenzas ch'en relevantas per la professiun
 - ha la funcziun da liom tranter teoria e pratica

data / remartgas

Collauraziun cun la persuna d'instrucziun da la pratica

La mentura atelier/il mentur atelier

- realisescha l'instrucziun a la SAPGR en plirs mezs dis ensemes cun ina persuna d'instrucziun da la practica (persuna d'instrucziun da la practica cun in'incumbensa d'instrucziun extendida)
 - fa giu cun las personas d'instrucziun da la practica ils temps per ils engaschis da las studentas/dals students en las classas d'atelier ed ils temps per ils discurs suenter l'instrucziun
 - guarda che las personas d'instrucziun da la practica survegnan a temp tut las infurmaziuns relevantas (organisaziun, incumbensas per las studentas/ils students, e.u.v.)
 - introducescha personas d'instrucziun da la practica novas en las ideas fundamentalas e la moda da lavur dals ateliers
 - envida las personas d'instrucziun a sesidas da planisaziun e d'elavuraziun communablas e maina questas
 - è persuna da contact per las personas d'instrucziun da la practica tar dumondas e problems
 - fa en il barat cun la persuna d'instrucziun da la practica in maletg dal cumportament da lavur, da l'abilitad da cooperaziun e da la qualificaziun per la profesziun da la studenta/dal student

Finiziun dals ateliers

La mentura atelier/il mentur atelier

- organisescha a la fin dals ateliers la preschentaziun dals portfolios da las studentas /dals students
- guarda che las personas d'instrucziun da la pratica hajan las infurmaziuns necessarias pertugant il discurs final ed il discurs da valitaziun
- prenda encontre da las studentas/dals students ina copia da la valitaziun tras la persuna d'instrucziun da la pratica
- dat a las studentas/als students in feedback final en connex cun la lavour cun il portfolio

<input type="checkbox"/>	

Collavuraziun cun la partiziun furmaziun da la pratica professiunala (FPP)

La mentura atelier/il mentur atelier

- è responsabla/responsabel ch'ils instruments da la partiziun furmaziun da la pratica professiunala (FPP) vegnan duvrads e realisads a moda adequata
- tgira sco liom tranter la partiziun FPP e la pratica il contact cun las personas d'instrucziun involvidas
- dat vinavant la decisiun a la partiziun FPP, schebain la cumprova da prestaziun da la studenta/dal student è cuntanschida
- dat vinavant infurmaziuns or dals ateliers ch'en relevantas per ils praticums futurs da las studentas/dals students (p.ex. valitaziun qualificaziun da la professiun) a la partiziun FPP
- dat vinavant infurmaziuns relevantas a la mentura/mentur che accumpogna las studentas/ils students durant lur praticums vegnents e guarda tant sco pussaivel per ina buna surdada da las incumbensas d'accumpagnament

<input type="checkbox"/>	

Instrument da valitaziun ateliers

Valitaziun tras la persuna d'instrucziun da la pratica (e valitaziun persunala studentas/students)

Studenta/student

Persuna d'instrucziun da la pratica

Mentura atelier/mentur atelier

Classa, lieu da praticum

Temp da praticum

Process d'emprender e da svilup e lavurar cun eterogenitad

(standard 2 e standard 3)

La studenta/il student sa en situaziuns adattadas en l'instrucziun observar a moda conscientia ed exacta.

observaziuns/remartgas

La studenta/il student vesa la diversitat dals uffants en la clasa/gruppa ed exercitescha da s'occupar cun las differentas abilitads ed ils basegns.

Communicaziun, sa preschentar e collavuraziun

(standard 4)

La studenta/il student sa sa preschentar en ina grappa d'uffants/classa a moda segira e sa agir en situaziuns da communicaziun dal mintgadi da scola.

La studenta/il student sa prender si contact cun ils uffants.

La studenta/il student sa mussa en la collavuraziun cun persunas d'instrucziun da la pratica e constudentas/constudents engaschada/engaschè, cooperativa/cooperativ, capabel/capabla d'acceptar critica e fidada/fidà.

Planisaziun, realisaziun ed evaluaziun da l'instrucziun

(standard 6)

La studenta/il student sa planisar per la classa d'atelier emprimas sequenzas d'instrucziun che fan senn e descriver la planisaziun da l'instrucziun a moda chapibla.

La studenta/il student sa manar tras las sequenzas d'instrucziun planisadas a moda adattada.

La studenta/il student sa cun agid reflectar l'agen cumportament e l'atgna instrucziun a moda critica e realisar experientschas ed enconuschienschas adattà a la situaziun.

Abilitad individuala da supportar squitsch, svilup professiunal, svilup da l'instrucziun e da la scola (standard 9)

La studenta/il student s'occupa cun las pretensiuns da la professiun da la persuna d'instrucziun scolina e scola primara sco er cun la midada da rolla e sa reflectar l'atgna motivaziun per la professiun e la qualificaziun per la professiun a moda critica.

La studenta/il student sa valitar il nivel actual da savida professiunala, sa definir proxims pass da svilup che fan senn ed als perseguitar.

La studenta/il student sa metter en connex experientschas da l'atgna biografia d'emprender cun la realitat vivida en scolina e scola.

Accents da laver individualis (cfr. pass da cumpetenzas)

Svilups e nivel d'emprender actual en il champ accents da laver individualis da las studentas/dals students, recumandaziuns e consequenzas per la laver futura (p.ex. proxims pass d'emprender impurtants, cumpetenzas vi da las qualas ins sto anc lavurar, resursas che pon vegnir nizzeggiadas)

Ulteriuras remartgas (t. a. en connex cun la qualificaziun per la professiun)

Ulteriuras infurmaziuns impurtantas, remartgas pertutgant la qualificaziun da la professiun e.u.v.

Absenza en ils ateliers al lieu da praticum:

- gea dumber mezs dis.....
 na

Nus confirmain ch'i ha gi lieu a la fin dals ateliers in discurs da valitaziun tar il qual igl è vegni duvrà l'instrument da valitaziun – ina giada da la persuna d'instrucziun da la pratica (valitaziun estra), ina giada da la studenta/dal student (valitaziun persunala) – sco basa dal discurs.

Lieu e data dal discurs:

Suttascripcziun persuna d'instrucziun da la pratica:

Suttascripcziun da la studenta/dal student

Surdada dals documents da valitaziun

	termin	responsablidad
Original valitaziun estra a la partiziun FPP (biro C13)	in'ema suenter la finiziun dals ateliers	persuna d'instrucziun da la pratica
Copia valitaziun estra a la mentura atelier/al mentur atelier	in'ema suenter la finiziun dals ateliers	studenta/student
Copia valitaziun estra e valitaziun persunala en il portfolio	in'ema suenter la finiziun dals ateliers	studenta/student

Ils documents da valitaziun servan sulettamain per la scolaziun e na dastgan betg vegnir duvrads per annunzias per plazzas da lavur.

Instrument da valitaziun ateliers

Valitaziun tras la mentura atelier/il mentur atelier

Studenta/student	<input type="text"/>
Persuna d'instrucziun da la pratica	<input type="text"/>
Mentura atelier/mentur atelier	<input type="text"/>
Classa, lieu da praticum	<input type="text"/>
Temp da praticum	<input type="text"/>

Feedbacks davart la laver cun il portfolio

Intenziun e finamiras dal portfolio	++	+	-	--	remartgas
Lavur vi dad accents elegì cun agid dal carnet d'elements accents resp. cumpetenzas che fan senn lavurà a moda sistematica e repetitiva vi da cumpetenzas dà incumbensas d'observaziun en connex cun ils accents e dumandà per feedbacks	<input type="checkbox"/>	<input type="checkbox"/>	<input type="checkbox"/>	<input type="checkbox"/>	
Documentaziun e reflexiun s'occupà a moda approfondada cun observaziuns ed experien-tschas fatgas (en connex cun ils accents) nudà enconuschiantschas impurtantias realisà consequenzas che fan senn e las persequità collià a moda fritgaivla la teoria e la pratica cumplettà rapports d'emprender cun documents (annexa) che fan senn	<input type="checkbox"/>	<input type="checkbox"/>	<input type="checkbox"/>	<input type="checkbox"/>	
Pass da cumpetenzas creà il pass da cumpetenzas sco survista informativa davart ils accents da lavur ed il nivel d'emprender actual	<input type="checkbox"/>	<input type="checkbox"/>	<input type="checkbox"/>	<input type="checkbox"/>	
Realisaziun, cumpledad ordinà rapports d'emprender concepì il portfolio en general a moda premurada correctedad linguistica cuntegna tut ils documents relevantes quantitatad tenor directivas	<input type="checkbox"/>	<input type="checkbox"/>	<input type="checkbox"/>	<input type="checkbox"/>	
Preschentaziun preschentà extracts or dal portfolio tenor directivas/incumbensa	<input type="checkbox"/>	<input type="checkbox"/>	<input type="checkbox"/>	<input type="checkbox"/>	

Remartgas generalas davart la laver en ils ateliers

Observaziuns e remartgas pertutgant cumportament da laver, abilitad da cooperar, qualificaziun per la professiun, proxims pass d'emprender impurtants e.u.v.

Frequentà cumplainamain ils ateliers

- gea
 na, absenza: en tut.....mezs dis

Manar il portfolio e preschentaziun dal portfolio

- suffizient
 betg suffizient

Discurs final tranter la studenta/il student e la persuna d'instrucziun da la pratica ha gî lieu

- gea
 na

Cumprova da prestaziun ateliers

- cuntanschì**
 betg cuntanschì

Lieu e data:

Suttascripcziun mentura atelier/mentur atelier

Surdada documents da valitaziun

	termin	responsabladad
Original a la partizun FPP (biro C13)	in'ema suenter la finiziun dals ateliers	mentura atelier/mentur atelier
Copia a la studenta/al student	in'ema suenter la finiziun dals ateliers	mentura atelier/mentur atelier
Copia en il portfolio	in'ema suenter la finiziun dals ateliers	mentura atelier/mentur atelier

Ils documents da valitaziun servan sulettamain per la scolaziun e na dastgan betg vegnir duvrads per annunzias per plazzas da laver.

Scola auta da pedagogia dal Grischun
Partiziun Furmaziun da la Pratica Professiunala
Scalärastrasse 17
7000 Cura
www.phgr.ch

1. edizjun, settember 2015